

BAKEAK BAKEA DAKAR

1

Bada gauza bat pozgarri,
nor ez da bere egarri?
Bera barik gabiltz larri.
Bakea dala, zeinek ez deutso
honenbestegaz igarri?
Galtzen da errez ta sarri,
zelan lehenera ekarri?
Ezin da legez ezarri.

3

Bakea nahi dau umeak,
bardin bakea gazteak
eta guraso jendeak:
Eta nun dauka asebetea
bake onaren eskeak?
Alperrik dira legeak,
edo buztarri-edeak...
Bakea dakar bakeak.

5

Zer da hoberik munduan,
ez da besterik zeruan,
ez dagona inpernuan:
bake gozoa, bake betea,
barruan eta inguruan.
Dana dago seguruan
bihotzean ta buruan
bakea dagon lekuan.

7

Gaur joten dogu batera,
bihar itsuan bestera
noraezean antzera...
Ene Jainkoa, ekarri gaizuz
gizasemeok senera!
Begira gure artera,
zeure beharrean gera;
zuzendu gaizuz bakera!

2

Zein sakon dan ta iluna
gizakiaren barruna!
Zerk bete haren hutsuna?
Gauza ederrak dira batera
dirua ta osasuna...
Baina dana da lizuna
ai, ez badauka, laguna
bakeak jabetasuna.

4

Makina bat zalaparta,
bake-bila zirtizarta,
inor ezin da aparta.
Politikoez hor dihardue
ostikoz edo adarka;
oker al nabil marmarka?
Bakerik ez bada, parka:
faltsua da bere marka!

6

Ez dago ezer lortzerik,
ez bake, ez besterik,
ez bada hartzen nekerik.
Munduan ezer ederrik bada
ez da beste bat hoberik:
ez uka zure parterik
eta ez itxi aterik,
gura badozu bakerik.

8

Entzun, oi Jainko maitea
seme-alabon eskea:
arindu gure nekea!
Biztu eiguzu bake-gogoa,
argitu borondatea;
zuzendu gure bidea,
baketu euskal jendea,
Zeuk emoiguzu BAKEA!